

MINORITY SHAREHOLDER WATCHDOG GROUP

BADAN PENGAWAS PEMEGANG SAHAM MINORITI BERHAD

(Incorporated in Malaysia – Company No. 524989-M)

Berita Harian – 29 September, 2014 (A)

Alibaba perlu pemantauan



RITA BENOY
BUSHON

» Timbul kebimbangan aspek urus tadbir syarikat tawar IPO terbaik

Syarikat Alibaba, sebuah syarikat beroperasi di China dan penyenaraian pertama tawaran awam permulaan (IPO) di Amerika Syarikat dan IPO terbesar di dunia, merekodkan hari penye-

naraian pertama yang sangat baik minggu lalu.

Saham Alibaba melonjak 38 peratus daripada AS\$68 sesaham kepada AS\$93.89 sesaham, walaupun struktur perkongsian yang kurang telus, akibat had pemilikan asing yang ditetapkan Kerajaan China terhadap banyak syarikat tersenarai di negara itu untuk mengelakkan aset dimiliki oleh warga asing. Pelabur asing hanya boleh memiliki saham berkenaan melalui syarikat luar yang ada 'kontrak' perdagangan dengan Alibaba.

Syarikat e-perdagangan gergasi terbabit juga mempunyai opsyen *greenshoe* yang boleh membenarkan jaminan menggunakan opsyen ini, jika permintaan saham di pasaran IPO terlalu tinggi.

Opsyen ini telah dilaksanakan dan meraih dana sebanyak AS\$25 bilion melebihi saran awalnya sebanyak AS\$21.8 bilion.



Ma menunjukkan **paparan harga saham Alibaba** pada hari penyenaraian pertama syarikat itu di Bursa Saham New York pada 19 September lalu.

[FOTO AFP]

Hong Kong tolak struktur perkongsian

Bagaimanapun, harga saham Alibaba mencatatkan sedikit penurunan selepas seminggu disenaraikan.

Perkongsian 30 individu di dalam Alibaba yang diterajui oleh Ketua Pegawai Eksekutifnya yang juga pengasas syarikat, Jack Ma, menguasai lembaga pengarah, menyebabkan penyenaraian Alibaba dilaksanakan di Bursa Saham New York selepas pihak kawal selia Hong Kong menolak struktur terbabit.

Kami berpandangan kebimbangan yang timbul mengenai aspek tadbir urus syarikat ada-

lah wajar.

Walau apapun, Alibaba adalah sebuah syarikat gergasi yang perlu dipantau secara teliti selepas tajuk utama dan keseronokan yang menyelubungi penyenaraiannya pudar.

Dalam hal yang berasingan, Malaysia mengekalkan kedudukannya di tangga ke-4 dalam ACGA-CLSA CG Watch 2014, bersama Thailand pada skor 58 peratus, di belakang Hong Kong, Singapura dan Jepun.

Penulis

ialah bekas Ketua Eksekutif Badan Pengawas Pemegang Saham Minoriti Bhd (MSWG)